

# ତୀମଥୁକ ନିକଟକୁ ପାଉଲଙ୍କ ଦ୍ରୀତିୟ ପତ୍ର ତିମତି ତାଣା ପାଞ୍ଜୁଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତିମ ଆକୁ ପାଞ୍ଜୁଲ ତାଣାଟି ତାନି ସୀସୁ ତିମତି ତାଣା ରାଚାମାନି  
ଆକୁ □ ତିମତି ରୀ ଲମ୍ବର ଆକୁ ପାଞ୍ଜୁଲତି ବାରେତି କିହ୍ନା ତାୟୁ  
ରାଚିତି ଆକୁ □ ଈଦି ପାଞ୍ଜୁଲତି ଜୀଞ୍ଜୁ ରାନ୍ତି ବେଲ୍ୟାତା ରାୟକି  
ଆହାମାଣ୍ଡିନେ □ ଏଚିବେଲ୍ୟାତା ଏଞ୍ଜାସି ରମ୍ ଗାଡ଼ାତି କାୟିଦି  
ଇଲୁତା ମାରେସି ୧:୧୬ ପାଞ୍ଜୁଲ ତିମତି ତଲେ ହାରେକା ଜାଟୁ ମାରେ,  
ଅଡ଼େ ବାରେବେଲ୍ୟା ଏଞ୍ଜାଣାକ୍ ମୀରଏଣା ଲେହେଁ ରାଚିମାନେସି  
ପିଲିପି ୨:୨୨; ୧ତିମ ୧:୨; ୧:୧୮ □

ଇଦି ପାଞ୍ଜୁଲ ରାଚାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା  
ର ମାଣସିକ ରାଚିମାନେସି □ ଅଡ଼େ ଏଟକାତି ତାନିଗଟା ଆକୁ ତିମତି  
ମୂଲୁ ଆକୁ, ତିତସ, ଅଡ଼େ ପିଲିମନ □ ତିମତି ରୀ ଲମ୍ବର ଆକୁ  
ରାଚିତି ବେଲ୍ୟାତା ରମ୍ ଗାଡ଼ାତା ସାଲୁଞ୍ଜି କିନାରି ହାରେକା ସାସ୍ତି  
ହୀହିମାରେରି □ ଇଲେତି ସାସ୍ତି ଆହିମାଚାକି ପାଞ୍ଜୁଲ କାୟିଦିତା  
ଡ଼ୟାମାରେସି □ ମୂଲୁତି ଆକୁ ଲେହେଁ ପାଞ୍ଜୁଲ ତିମତିକ୍ ମିତି  
ଜାପୁନାରି ତାଣାଟି ଜାଗ୍ରାତା ଆହାଲି ଖେସିମାନେସି □ ୧ତିମ ୧:୧୬-  
୧୮ ପାଞ୍ଜୁଲ ତିମତିକ୍ ଏଲେଇଞ୍ଜି ମାନେସି ତାୟୁ ହାରେକା କସ୍ତି  
ଦିନା ମାନେ ୩:୧ □

## ପତିତା ମାନାୟି

୧ ପାଞ୍ଜୁଲ ତିମତିକ୍ ଜହରା କିହାନା ମାଟନାୟି ଅଡ଼େ ଏଞ୍ଜାଣାକ୍  
ସାସା ହୀନାୟି □ ୧:୧-୧୮

୨ ପାଞ୍ଜୁଲ ତିମତିକ୍ କସ୍ତି ଅରହାଲି ସାସା ହୀହିମାନେସି □ ୨:୧-  
୧୩

୩ ତିମତିକ୍ ଏଚେକା କାତା ଖେହ୍ନାୟି □ ୨:୧୪-୨୬

- ୪ ରାଜି ଦିନାତା ଗଣ୍ଡି ଆନାଆଁ ଅଡ଼େ ସାତା ଜିରୁ ବାଟି କିହାଲି ଜାଗ୍ରାତା କିନାୟି □ ୩:୧-୪:୮
- ୫ ପାଞ୍ଜୁଲ ତିମତିଲ୍ ଏଚେକା ଅଣ୍ପୁତି କାତା ଖେସାନା ଆକୁତି ରାଫ୍ନାୟି □ ୪:୯-୨୨

୧ ନାନୁ ପାଞ୍ଜୁଲ, କ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣ୍ପୁ ତଲେ କ୍ରୀସ୍ତ ଜୀସୁତି ର ପାଣ୍ଡୁଣି ଆହାମାନାତେଏଁ □

୨ ✨ତିମତି, ନା ଜୀଞ୍ଜୁତି ମୀରଏଣାତି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହନାୟି ଅଡ଼େ ହିଡ଼ି ଜୀଞ୍ଜୁ ନିଜେତାକି ଆୟାପେ □

**ମାହାପୁରୁଲ୍ ଜହରା ଅଡ଼େ ବାର୍ସୁ ହୀନାୟି**

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଣ୍ପୁ ତଲେ ମାହାପୁରୁଲ୍ ସେବା କିହିମାଲ୍, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାଡାନାତା ନୀ ଦରୁ ରାଚାହାଁ ମାହାପୁରୁଲ୍ ଜହରା କିହିମାଲ୍;

୪ ଏନିକ୍ ନା ରାହାଁ ଗାଡିଆନେ, ଇଦାଆଁତାକି ନୀ କାଣ୍ଡୁ ଅଣ୍ପାଦା ନିଜେ ମେସାଲି ତାକି ହାରେକା ମନ କିହିମାଲ୍;

୫ ✨ଇଚିହ୍ ଆମିନି କୁରୁ ହିଲାଆଗାଟି ନାମୁ, ମୀ ବାୟି ଲୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାଚେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହ୍ ନା ହାରେକା ନାମୁ, ନୀ କୁରୁ ହିଲାଆ ନାମୁତି କାତା ନାନୁ କାରୁ ବେଟାଆହାମାଲ୍ □

୬ ନାନୁ ନୀ ଲାକ କେୟୁ ଇଟାତି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ନୁ କିହାଁ ଇଟାଲି ନାନୁ ନିଜେ ଅଣ୍ପି କିହିମାଞ୍ଜାଲ୍ □

୭ ଇଚିହ୍ ମାହାପୁରୁ ମାଜେ ଆଜିନି ଜୀଞ୍ଜୁ ହୀହାମାଞ୍ଜଅସି, ସାମା ବାଡ଼ୟୁ, ଜୀଞ୍ଜୁ ନିନାଣି, ଅଡ଼େ ନେହ୍ ଅଣ୍ପି କିନି ଜୀଞ୍ଜୁ ହୀହାମାଞ୍ଜାନେସି □

---

✨ ୧:୨ ୧:୨ କାମା ୧୭:୧ ✨ ୧:୫ ୧:୫ କାମା ୧୭:୧

୮ ଏଦାଆଁତାକି ମାର ପ୍ରଭୃତି କାତାତା ସାକି ହାହାଲି ଅଡ଼େ ନାନୁ ପ୍ରଭୁ ତାକି କାୟିଦି ଇଲୁତା ଦସ୍ପି ଆହାମାଲ୍, ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁଲୁ ତଲେ ନେହଁ କାରୁ ଝେକ୍‌ହାଲି ବେଟାଆହାମାନି କସ୍ତୁତି ଅରହାମୁ □

୯ ଏଝାସି ମାଲେ ଗେଲ୍‌ପା ମାଞ୍ଜାନେସି, ଅଡ଼େ ନା ନେହଁ ଲକୁତେରି ଇଞ୍ଜିହଁ ହାଟାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜାଅସି, ସାମା ତାନି ଅଶ୍ପୁ ତଲେ ତାନୁ କାର୍ମା ମେସ୍ତାନି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲ୍ଲା ନବେଏ କ୍ରାସ୍ତ ଜୀସ୍ତୁ ତାଣାଟି ମାଲେ ହାଞ୍ଜି ଆହାମାଟେ,

୧୦ ସାମା ନୀର୍ବ ମା ଗେଲ୍‌ପାନି କ୍ରାସ୍ତ ଜୀସ୍ତୁ ଦାରତିତା ଝାହାମାନାକି ମାଲେ ତସାମାଞ୍ଜାନେସି; ଏଝାସି ହାକିତି ମ୍ଲେକ୍‌ହା ମାନେସି; ଅଡ଼େ ତାନି ନେହଁ କାରୁତଲେ ଜୀଝୁ ଅଡ଼େ ହାଆଗାଟାଣି ଉଜେଡ଼ିତା ତସାମାନେସି □

୧୧ ☆ ଇ ନେହଁ କାରୁ ଝେକ୍‌ହାନା ତେଲ୍‌ହିକିହାଲି ମାହାପୁରୁ ନାଲେ ର ପାଶୁଝିଆଡ଼ି ସୀସ୍ତୁ ଇଞ୍ଜା ଜାପ୍‌ନାସି ଲେହେଁ ହେର୍‌ପା ମାଞ୍ଜାନେସି □

୧୨ ଏଦାଆଁତାକି ନାନୁ ଇ ବାରେ ଦୁକୁ ବେଟା ଆହିମାଲ୍; ଆଡ଼ିଜିକେଏ ନାନୁ ଆଜା ହିଲଅଁ, ଇତିହଁ ନାନୁ ଆମ୍ବାଆରି ତାଣା ନାମାମାଲ୍, ଏଝାଣାଲ୍ ପୁଞ୍ଜାମାଲ୍, ଅଡ଼େ ନାନୁ ତାନି କେରୁତା ଏନାଆଁ ହେର୍‌ପାମାଲ୍, ବିଚାରା ଦିନା ଝାନି ପାତେକା ଏଦାଆଁ ଏଝାସି ଜାଡ଼ୁ ତଲେ ଇଟାଲି ଆଡ଼ିମାନେସି, ଇଦାଆଁ ନାନୁ ତୀର୍‌ପୁତଲେ ନାନିମାଲ୍ □

୧୩ ନା ତାଣାଟି ଆମିନି ନେହଁ ବଲୁ ଝେଞ୍ଜାମାଞ୍ଜି, କ୍ରାସ୍ତ ଜୀସ୍ତୁ ତାଣାଟି ନାମୁ ଇଞ୍ଜା ଜୀଝୁ ନନାଣି ଏଦାଆଁ ନେହଁ କି ଆସା ମାନାମୁ □

୧୪ ଆମିନି ନେହଁ କାତାତି ଦାୟିପତି ନିଜେ ହୀପ୍‌କି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀଝୁତି ବାଡ଼ୁଲୁ ତଲେ ଏ ବାରେଡ଼ି ଜାଡ଼ୁ କିହା ଇଟାମୁ □

୧୫ ନୀନୁ ପୁଞ୍ଜାମାଞ୍ଜି; ପୁଗେଲ ଅଡ଼େ ହର୍ମଗେନା ତଲେ ଆସିୟାତି  
ବାରେ ଲକୁ ନାଜେ ପିସା ମାଞ୍ଜାନେରି □

୧୬ ଅନିସିପର କୁଟମିତି ପ୍ରବୁ କାର୍ମା ମେସ୍‌ପେସି, ଏନାଆଁତାକି  
ଇଚିହିଁ ଏଞ୍ଜାରି ଅଲେ ଅଲେ ଖାହାନା ନା ଦୁକୁ ତୁକ୍‌ହାତେରି,  
ଇଚିହିଁ ନାନୁ କାୟିଦି ଇଲୁତା ମାଚିହିଁ ଜିକେଏ ଲାଜା  
ଆହାହିଲଅରି,

୧୭ ରମ୍ ଗାଡ଼ାତା ଏଜାଲିଏ ଏଞ୍ଜାସି ନାଜେ ପାରାନା ନା ତାଣା  
ଖାତେସି,

୧୮ ରାନ୍ ଦିନାତା ଏନିକ୍ ମାହାପୁରୁ ତାଣାଟି କାର୍ମା  
ବେଟାଆନେସି, ଏଲେକ୍ ମାହାପୁରୁ ଏଞ୍ଜାଣାକି କାର୍ମା ଆପେସି,  
ଅଡ଼େ ଏଞ୍ଜାସି ଏପିସିୟ ଗାଡ଼ାତା ନାଜେ ଏନିକ୍ ସେବା  
କିହାମାଞ୍ଜାନେସି, ଏଦାଆଁ ନୀନୁ ନେହିଁକ୍ ପୁଞ୍ଜାମାଞ୍ଜି □

## ୨

### କ୍ରୀସ୍ତ ଜୀସୁତି ନେହିଁ ଦୁଜୁ କିନାସି

୧ ଏଦାଆଁତାକି ଏ ନା ଜୀସୁତି ମୀର୍‌ଏଣାତି, କ୍ରୀସ୍ତ ଜୀସୁତଲେ  
ଆଣ୍ଡିତାକି ତାନି କାର୍ମାମେହିନି ତାଣାଟି ଆମିନି ବାଡ଼ୁୟୁ ମେଡ଼ା ଆନେ  
ଏଦାଆଁ ନୀନୁ ବାଡ଼ୁୟୁ ଗାଟାତି ଆମୁ,

୨ ଅଡ଼େ ହାରେକା ସାକିୟା ନକିତା ଆମିନି ବାରେ କାତା ନା  
ତାଣାଟି ନୀନୁ ଖେଞ୍ଜାମାଞ୍ଜି, ଅଡ଼େ ଏମିନିଗାଟାରି ଏଟ୍‌କା ଲକୁଣି  
ଜିକେଏ ଜାପୁହାଲି ଆଡ଼ିନାରି, ଏଲେତି ନାମୁଗାଟି ଲକୁ ନକିତା ଇ  
ବାରେ ହେରପାମୁ □

୩ ନୀନୁ କ୍ରୀସ୍ତ ଜୀସୁତି ର ନେହିଁ ଦୁଜୁ କିନାତି ଲେହେଁ ଏଞ୍ଜାଣି  
ତାକି କସ୍ତ ଅରହାମୁ □

୪ ଆମ୍ବାଆସି ଦୁଜୁକିନି କାମାତା ମାଞ୍ଜାନା, ଦାରୁତିତି ଏଟ୍‌କା  
କାମାତା ହେରପି ଆଅସି, ଏନିକ୍ ଏଞ୍ଜାସି ତାନି ମୁହେଁତି କାଜାଣାଇଁ  
ରାହାଁ କିନେସି □

୫ ଅଡ଼େ ଆମ୍ବାଆସି କାହୁ ତାକି ବାଡ଼ୁହାରା ଆନେସି, ଏଞ୍ଜାସି ମେରା  
ତଲେ କାହାଆସାରେ ଜାଣା ଆଅସି □

୬ ଆମିନି ତାସା କାମାକିନାସି ୱାହୁ ତଲେ କିନାସି, ଏଞ୍ଜିସି କାମାତି ମୁଲୁତି ବାଗା ବେଟାଆନାୟି ମାନେ □

୭ ନାନୁ ଏନାଆଁ ଝେସିମାଞ୍ଜାଇଁ, ଏଦାଆଁ ଅଣ୍ଠାମୁ; ଇତିହଁ ପ୍ରବୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି □

୮ ନା ତାଣାଟି ଝେସିଆହାମାନି ନେହଁ କାରୁ ଲେହେଁ ହାଡ଼ାରି ତାଣାଟି ନିଙ୍ଗିତାଣି ଅଡ଼େ ଦାଞ୍ଜୁଦ କୁଡ଼ାତା ଜାନା ଆହାମାନି ଜୀସୁ କ୍ରୀସ୍ତାଇଁ ଅଣ୍ଠାମୁ □

୯ ଇ ନେହଁ କାରୁତାକି ନାନୁ ଦହଗାଟି ଲକୁ ଲେହେଁ କାୟିଦି ଇଲୁତା ଦସିଆନି ପାତେକା କସୁ ବେଟା ଆହିମାଇଁ; ସାମା ମାହାପୁରୁତି ବଲୁ ଦସି ଆହା ହିଲେଏ □

୧୦ ଇଦାଆଁତାକି ମାହାପୁରୁ ଆଚାମାନି ଲକୁ ଜିକେଏ ଏନିକଁ କାଲ୍ଲକାଲ୍ଲାତି ଗାଞ୍ଜୁରମି ତଲେ କ୍ରୀସ୍ତ ଜୀସୁ ହୀହାମାନି ଗେଲ୍ପି ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି ଇ ବାରେ ସାସାତଲେ କସୁ ଅରୁହିମାଇଁ □

୧୧ ଇ କାତା ସାତା

“ମାର କ୍ରୀସ୍ତ ତଲେ ହାହାମାନାୟି,  
ଅଡ଼େ ଏଞ୍ଜାଣିତଲେ ଜିକେଏ ନୀତିନାୟି;

୧୨ ଅଡ଼େ ମାର ସାସାଆସାଁ କସୁ ଅରୁହିନାୟି,  
ଆତିହଁ ଏଞ୍ଜାଣିତଲେ ଜିକେଏ ସାଲ୍ଝି କିନାୟି;

ମାର ଏଞ୍ଜାଣାଇଁ ପୁଞ୍ଜାହିଲଅମି ଇନାୟି,  
ଆତିହଁ ଏଞ୍ଜାସି ଜିକେଏ ମାଙ୍ଗେ ପୁଞ୍ଜାହିଲଅଁ ଇଞ୍ଜାନେସି;

୧୩ ଏଡ଼େତା ମାର ନାମାଆ ଗାଟାତାୟି ଆନାୟି,  
ଆଡ଼ିଜିକେଏ ଏଞ୍ଜାସି ବାରେବେଲା ଟିକାଣାତାସି,  
ଇତିହଁ ଏଞ୍ଜାସି ଜାହାରାଇଁ ଆଏ ଇଞ୍ଜାଲି ଆଡ଼ଅସି □”

### ନାମୁତି କାମାକିନାସି

୧୪ ନାନୁ ବାରେ ନାନୁ ଗାଟାରାଇଁ ଇ ବାରେ କାତା ମାହାପୁରୁଇଁ ଅଣ୍ଠି କିମ୍ପୁ, ସାସ୍ତେରିତି କାତା ଉଜେଏ ବାଦିବାଦ୍ଦା ଆନି ତାଣାଟି ଜାଗ୍ରାତା କିମ୍ପୁ, ଇଲେତି ବାଦିବାଦ୍ଦା ଆମ୍ବାଆରାଇଁ ନେହଁ କିଏ, ସାମା ଆମ୍ବାଆରି ଏମ୍ବାଆଁ ମନ ହୀନେରି ଏଞ୍ଜାରି ନାସା ଆନେରି □

୧୫ ସାତା ବଲ୍ଲୁ ଚିକାଣା ତଳେ ଲେମ୍ବୁନା, ଆମିନି କାମାକିନାସି କାମାତା ଏନିକି ଲାଜା ଆଅସି, ଏଞ୍ଜାଣିଲେହେଁ ମାହାପୁରୁ ନକିତା ଜାହାରାକ୍ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାତନୁ କିମ୍ପୁ □

୧୬ ସାମା ଲାଗେଏତି ଉଜେଏତି କାତାୟାଁ ବାସି ଆନି ତାଣାଟି ହେକ ତୟାଦୁ; ଇଚିହ ଆମ୍ବାଆରି ଏଲେତି କାମା କିନେରି, ଏଞ୍ଜାରି ଲାଗେଏତି କାମାତା ହାରେକା ପାତା ଆନେରି,

୧୭ ଅଡେ ଏଞ୍ଜାରି କାତା ସୀରନି ଗାହାଁ ଲେହେଁତାୟି; ଏଞ୍ଜାରି ବିତ୍ତାଟି ହୁମନାୟ, ଅଡେ ପିଲିତ, ଇ ରିଆରି ମାନେରି □

୧୮ ଏଞ୍ଜାରି ହାହାନା ଖେଣ୍ଡେ ନିଜିତାୟିଏ ଇଞ୍ଜି ସାତାତି ପିସାମାନେରି, ଅଡେ ଏଚରଜାଣାତି ତାମି ନାମୁତି ତାରି ମୁପ୍ତହି ମାନେରି □

୧୯ ଆତିଜିକେଏ, ମାହାପୁରୁ କେପିତି ପୁନାଦି ଆଟ୍ଝା ଆହାନା ତୟାମାନେ, ଅଡେ ଏ ଖାଲିତା ଇ ବୁଟୁ ମୁଦ୍ରା ଆହାମାନେ, “ପ୍ରବୁ ତାନି ଲକୁଣି ପୁଞ୍ଜାମାନେସି” ଅଡେ, “ଆମ୍ବାଆସି ପ୍ରବୁତି ଦରୁ ଆହନାସି, ଏଞ୍ଜାସି ଲାଗେଏ ତାଣାଟି ହେକ ମାଣ୍ଡେସି □”

୨୦ ର କାଜା ଇଜ ଖାରଇ ବାଂଗାରା ଖେଣ୍ଡିତି ତ:କା ମାଣ୍ଡି ମାନୁ, ଏଚେକା ଆଏ, ଅଡେ ମାରକା ଇଞ୍ଜା ଇରଆତି ତ:କା ମାଣ୍ଡି ଜିକେଏ ମାନୁ; କଚେକା ତ:କା ମାଣ୍ଡି କାଜା କାଜା କାମାତାକି ମାନୁ, ଅଡେ କଚେକା ଉଜେଏ ଦିନା ଲେମ୍ବୁଲି ତାକି ମାନୁ □

୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାକ୍ ଅଟ୍ଝା କଡିନେସି, ଏଞ୍ଜାସି ହେରପି ଆହାନା, ସାଞ୍ଜୁକାରି କାମାତା ପାତାଆନେସି, ଏଞ୍ଜାସି ବାରେ ନେହ କାମାତାକି ଆଡା ଇଟାମାନି ମାନିଗାଟି ତ:କା ମାଣ୍ଡି ଲେହେଁ ଆନେସି □

୨୨ ସାମା ନୀନୁ ଦାଂଗଣା ବେଲା ଲାଗେଏତି ଜୁପ୍ତକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟାଁ ତଳେ ପ୍ରବୁ ତାଣା ପ୍ରାତାନା କିନେରି, ଏଞ୍ଜାରିତଲେ ଦାମ୍ବୁ, ନାମ୍ବୁ, ଜୀଞ୍ଜୁ ନନାଣି, ଅଡେ ହିଡଡି ଜୀଞ୍ଜୁ ଜେଚ ହାଲାମୁ □

୨୩ ବୁଦି ହିଲାଆ ମୁକ୍ତୁ ଗାଗାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ □

୨୪ ମାହାପୁରୁଷ ହିଁ ଶୁଣିବେ ଗଢ଼ ହା କିନାୟି ନେହେଁ ଆଏ, ସାମା ବାରେକାଣାତି ହିଁ ଡ଼ି ହାଡ଼ା ଜାପୁନାସି, ଅଡ଼େ ଅରୁହିନାସି ଇଞ୍ଜା ମା କପାଟି ନିଜିନି ଲକ୍ଷ୍ମଣ ହିଁ ଡ଼ି ହାଡ଼ାତଲେ ଜାପୁନାସି ଆନାୟି ମାନେ,

୨୫ ଅଡ଼େ ଗଢ଼ ହା ଗାଟାରାଇଁ ସୁଦୁ ସୁଖାଲା ତଲେ ଲେଦିନାସି ଆନାୟି ମାନେ, ଆତିହୁଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ ଖେଟ୍ଟି ଅଣ୍ଟୁ ହାନେସି,

୨୬ ଅଡ଼େ, ଆମିନି ସୟତାନ ଏଞ୍ଜାରାଇଁ ତାନି ଅଣ୍ଟୁ ତଲେ କିହାଲି ଦସ୍ତାମାନେ, ଏମ୍ପାଟି ଏଞ୍ଜାରି ସେଡ଼ନା ଆହାନା ଏ ପାନ୍ଦାଟି ଗେଲପି ଆନେରି □

## ୩

### ରାନ୍ତି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ତି ଦିନାତା ନାସା ଆନ୍ତି ଦିନା ଖାନେ;

୨ ଇତିହୁଁ ଲକ୍ଷ୍ମଣ ତାମ୍ବୁଜାହାରାଇଁ ଅଣ୍ଟା କଡ଼ିନେରି, ଦନ ଜୁପକା, ଜୀଞ୍ଜୁତା ବଡ଼ପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି,

୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଞ୍ଜୁ ନଆଗାଟାରି, ଆଣ୍ଡୁଞ୍ଜି ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକ୍ଷ୍ମଣ ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁଲୁ ତସାନା ଆଜି କିନାରି, ନେହୁଁ କାତାତି ଅପାଆଗାଟାରି ଆନେରି;

୪ ଅଡ଼େ ଏଞ୍ଜାରି ହାରୁ ଦାଃଆନାରି, ତାମ୍ବୁ ଏସ୍ତି ଅଣ୍ଟାଆ ଗାଟାରି, ବଡ଼ପଣ ଗାଟାରି ଆନେରି, ଅଡ଼େ ମାହାପୁରୁ ଜୀଞ୍ଜୁ ନନାରି ଆଆନା ଦାରତିତି ରାହାଁତି ଜୀଞ୍ଜୁ ନନାରି ଆନେରି;

୫ ଏଞ୍ଜାରି ମାହାପୁରୁଷ ଆଜିନି ମେରା ଆହନେରି ସାମା ଏମ୍ପାଟି ବାଡ଼ୁଲୁଟି ଆସାଲି କୁନେରି; ଇଲେତି ଲକ୍ଷ୍ମଣ ତାଣାଟି ହେକ ମାନାମୁ □

୬ ଇତିହୁଁ ଇଞ୍ଜାରି ତାଣା ଇଲେତି ଲକ୍ଷ୍ମଣ ମାନେରି, ଏମିନିଗାଟାରି ଇଲକା ତାକି ଇଲକା ହଡ଼ିହୁଁ ପାପୁତି ବଜୁତା ଅଡ଼େ ତାନି ମନତି

ଜୁଫକା ଗାଟି ଅଣ୍ଠୁ ତଳେ ଡାକିନି ବୁଦି ହିଲାଆଗାଟି ଇୟାସିକାଣି  
ତାମି ତାଣା ଇଚିନେରି;

୨ ଇ ଇୟାସିକା କାଲେଏ ଜାପିମାଟି ଜିକେଏ, ଏଚେଲା ସାତାତି  
ପୁଞ୍ଜାଲି ଆଡାଉ □

୮ ଏନିକି ଜନିସି ଅଡେ ଜାମ୍ବିସ୍ ମସା କପାଟି ନିଙ୍ଗାମାଚେରି,  
ଏଲେକିହି ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟ୍  
ଲାଗେଏ ଆହାମାନେ ଅଡେ ଏଞ୍ଜାରି ଦାମ୍ବୁତି ନାମୁ ଉଜେଏ  
ଆହାମାନେ □

୯ ସାମା ଏଞ୍ଜାରି ଅଡେ ହାରେକା ଆଗାଡ଼ା ହାଲଅରି; ଇଚିହି  
ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଞ୍ଜି ର ଦିନା ବାରେଜାଣା  
ପୁନେରି, ଜନିସି ଅଡେ ଜାମ୍ବିସ୍ ଜୀଞ୍ଜୁତା ଏନାୟି ଗଟଞ୍ଜି ଆହାମାଚେ,  
ଏଞ୍ଜାରି ଜୀଞ୍ଜୁତା ଏଦିଏ ଆନେ □

### ରାନ୍ଦିରେଲାତି କାତା

୧୦ ସାମା ନୀନୁ ନା ଜାପ୍ନାଣି, ମାଣ୍ଡକି, ନା ଅଣ୍ଠୁ, ନା ନାମୁ, କସ୍ତ  
ଅରୁହିନାଣି, ଜୀଞ୍ଜୁ ନନାଣି, ଅରୁହିନାୟି,

୧୧ ✱ସାସ୍ତି ବେଟା ଆଡାଣି, ଦୁକୁ କସ୍ତ ବେଟା ଆଡାଣି, ଇ  
ବାରେ ଆସାମାଞ୍ଜି; ଆଡ୍ରିୟକିୟା, ଇକନିୟ, ଅଡେ ଲୁସ୍ତାତା, ନା  
ତାକି ଏଲେକିହି ଏ ନିୟା କସ୍ତ ଆହାମାଚେ; ଏଦାଆଁ ନୀନୁ ଅରୁହା  
ମାଚେଏଁ, ଅଡେ ପ୍ରବୁ ନାଲେ ଏ ବାରେଟି ଗେଲ୍ପା ମାଞ୍ଜାତେସି □

୧୨ ସାତେଏ ଆମିନି ଗାଟାରି କ୍ରୀସ୍ତ ଜୀସୁ ତାଣାଟି ଦାମ୍ବୁ ଜୀଞ୍ଜୁ  
ନୀତାଲି ଅଣ୍ଠିନେରି, ଏଞ୍ଜାରି ନିୟା ବେଟାଆନେରି □

୧୩ ସାମା ଲାଗେଏତି କାମାକିନାରି ଅଡେ ନାଡ୍ଡିକିନାରି ନାଡ୍ଡି  
ଆହାମା ହାରେକା ଲାଗେଏତି କାମା କିନେରି □

୧୪ ସାମା ନୀନୁ ଏନା ଏନାଆଁ ଜାପାମାଞ୍ଜି, ଅଡେ ଆମିନି କାତା  
ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମୁ,  
ଇଚିହି ନୀନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ  
ଜାପାମାଞ୍ଜି;

✱ ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦



୧୫ ଅଡ଼େ ଆମିନି ଦାମ୍ବୁ ସାଢ଼େସ୍ତରି କ୍ରୀସ୍ତ ଜୀସୁ ତାଣା ନାମୁଟି ନିଙ୍ଗେ  
ଗେଲ୍‌ପିକିନି ବୁଦି ହିୟାଲି ଆଡ଼ାନେ, ଏଦାଆଁ ନୀନୁ ଉଣା ଝେଡ଼ାଟିଏ  
ପୁଞ୍ଜାମାଞ୍ଜି □

୧୬ ବାରେ ଦାମ୍ବୁ ସାଢ଼େସ୍ତରିତା ରାସ୍ତକି ଆହ୍ମାମାନି ବାରେ ବଲ୍ଲୁ  
ମାହାପୁରୁ ଜଲିତାୟି, ଅଡ଼େ ଜାପ୍‌ନାୟି, ଲାଗିନାୟି, ତୀରିକିନାୟି,  
ଅଡ଼େ ଦାମ୍ବୁତା ନୀତାଲି ସାଢ଼େମି କିନାୟି,

୧୭ ଏନିକିଁ ମାହାପୁରୁତି ଲକୁ ତୀରପୁ ଆହ୍ମାନା ବାରେ ନେହଁ  
କାମାତା ଜଗେ ଗାଟାରି ଆନେରି □

## ୪

୧ ନାନୁ ମାହାପୁରୁ ନକ୍ତିତା, ଅଡ଼େ ଆମିନି କ୍ରୀସ୍ତ ହାତାରାଇଁ  
ଇଞ୍ଜା ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଝେଣ୍ଡେ  
ଝାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ,

୨ ମାହାପୁରୁ ବଲ୍ଲୁ ଝେକ୍‌ମୁ, ନେହଁ ବେଲାତା କି ଲାଗେଏଡି  
ବେଲାତା ବଲ୍ଲୁ ଝେକହାଲି ତିୟାରା ଆହ୍ମା ମାନାମୁ, ନୀନୁ ବାରେ  
କସ୍ତ ଅରହାନା ଜାପ୍‌ହିହଁ ଲାଗାମୁ, ଅଡ଼େ ଦାକା ହାହାନା ସାସା  
ବାର୍ସୁ ହୀମୁ □

୩ ଇଚିହଁ ଦିନା ଝାନେ, ଏଚିବେଲା ଲକୁ ନେହଁ ଜାପ୍‌ନାଣି  
ଝେଞ୍ଜାଲି ଅପଅରି, ସାମା ତାନି କାର୍କା ତାକି ସୁଦୁ ସୁଝାଲା ହାଡ଼ା  
ଝେଞ୍ଜାଲି ମନ ହୀନେରି ଇଞ୍ଜା କାତା ଜୁପ୍‌କାତାକି ଲାଗେଏଡାଣି  
ଜାପ୍‌ନାରାଇଁ କୁଡ଼ି କିନେରି □

୪ ଅଡ଼େ ସାତା କାତାତି ଝେଞ୍ଜାଲି କୁହାନା ଅଣ୍‌ପାନା ଝେହ୍‌ନି  
ପୁସ୍‌ପନିକାଣି ମନ ହୀନେରି □

୫ ସାମା ନୀନୁ ବାରେ ତାଣା ସେଡ଼ନା ଆମୁ, କସ୍ତଡି ଅରହାମୁ,  
ମାହାପୁରୁତି ନେହଁ କାବୁ ଝେକ୍‌ମୁ କାମା ପୂରା କିମୁ ଅଡ଼େ ନୀ  
ସେବା କାମା ରାପ୍‌ମୁ □

୬ ଇଚିହଁ ନୀର୍ସି ଜିକେଏ ନା ଜୀଝୁ ଗସାଲି ତାକି ଝାକ୍‌ହିମାନି  
ଲେହେଁ ହେରପି ଆହିମାନେ, ନା ହାନି ଦିନା ଏଗାଝାଡେୟିଏ □

୭ ନାନୁ ନେହଁ ଜୁଜୁତା ଜୀଝୁ ତୁସାନା ଜୁଜୁ କିହିମାଲ୍, ନାଜୋତାକି କେପାମାନି ପାହେରି ରାଝେତାକି ହଟାମାଲ୍, ନାନୁ ନାମୁତି ଜାଣେ ଆସାମାଲ୍;

୮ ନାଜୋତାକି ଦାମୁତି ଚପେରି ଇଟକି ଆହାମାନେ, ଏଦାଆଁ ଏ କାଜା ନୀହାଁୟି ଦିନାତା ନୀହାଁୟି କିନି ପ୍ରବୁ ନାଜୋ ହିୟାନେସି, ଝାରଇ ନାଜୋ ଆଏ, ତାନି ଝେଣ୍ଡା ଝାନାଣି ନେହଁ ମନତଲେ କାତାମାନି ବାରେଜାଣା ତାକି ଜୀଝୁନହାଁନା ହାନେସି □

**ତାନି କାତା ଝେହ୍ନାୟି**

୯ ତବେ ନା ତାଣା ଝାହାଲି ଜାଗ୍ରାତା ଆମୁ;

୧୦ ✨ଇଚିହଁ ଦିମା ନାଜୋ ପିସାହାଁ ନୀଏଁତି ଦାରୁତିତି ଜୀଝୁନହାଁନା ତେସଲନିକିତା ହାଜାମାନେସି, କ୍ରେସକେନସ୍ ଗାଲାତିୟାତା ଅଡେ ତିତସ ଦଲମତିୟାତା ହାଜାମାନେରି □

୧୧ ✨ଅଡେ ଲୁକ ରଅସିଏ ନା ତଲେ ମାନେସି □ ମାର୍କଲ୍ ନୀ ତଲେ ତାଚିହଁ ଝାମୁ, ଇଚିହଁ ନା ସେବା କାମାତା ସାୟେନି କିୟାନେସି □

୧୨ ✨ନାନୁ ତୁକିକଲ୍ ଏପିସିୟତା ପାଣ୍ଡା ମାଲ୍ □

୧୩ ✨ତୁୟାତା କାର୍ପ ତାଣା ଆମିନି ତସମି ସକା ପିସା ଝାହାମାଲ୍, ନାନୁ ଝାନାଟି ସକା ଅଡେ ପତିୟା ବାରେକିହାଁ ତଲୁ ପତିୟା ତାଚିହଁ ଝାମୁ □

୧୪ ✨ପିତାତା ବେବାରାଗାଟି ଆଲେକ୍ତାଣ୍ଡାର ନାଜୋ ହାରେକା କସ୍ତ୍ର ହୀହାମାଞ୍ଜାନେସି; ପ୍ରବୁ ଏଝାଣାଲ୍ ତାନୁ କିତି କାମା ଲେହେଁ ପାଡେୟି ହାନେସି;

୧୫ ନାନୁ ଜିକେଏ ଏଝାଣି ତାଣାଟି ଜାଗ୍ରାତା ଆହା ମାନାମୁ, ଇଚିହଁ ଏଝାସି ମାର ଝେକ୍ନି କାତା କପାଟି ନିଜାମା କାହି କିହିମାଞ୍ଜାତେସି □

---

✨ ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪  
 ✨ ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ ✨ ୪:୧୨ ୪:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮ ✨ ୪:୧୩ ୪:୧୩ କାମା ୨୦:୭ ✨ ୪:୧୪ ୪:୧୪ ୧ତିମ ୧:୨୦; ରମି ୨:୭

୧୭ ତଳି ମୂଲୁ ନାଙ୍ଗେ ନୀହାଁୟି କିୟାତାଟି ଆମ୍ବାଆରି ନା  
 ଖାକିଟି ଆଆତେରି, ସାମା ବାରେଜାଣା ନାଙ୍ଗେ ପିସ୍ତାତେରି, ଏଦାଆଁ  
 ମାହାପୁରୁ ଏଞ୍ଜାରି କପାଟି ଦହ କିଆପେସି □

୧୮ ସାମା ପ୍ରବୁ ନା ତଲେ ମାଞ୍ଜାନା ନାଙ୍ଗେ ବାଡୁୟୁ କିୟାତେସି,  
 ଅଡେ ନାନୁ ସିହୁଁକ୍ଠାଠନି ଗୁଡିଟି ଗେଲ୍ପିଆଡେସି, ଏନିକିଁ ନା  
 ତାଣାଟି ନେହୁଁ କାରୁ ବାରେ ତାଣା ଝେଙ୍ଗିନେ ଅଡେ ଜୀହୁଦିଆଆତି  
 ଲକୁ ବାରେଜାଣା ଏଦାଆଁ ଝେଞ୍ଜାଲି ଆଡିନେରି;

୧୯ ପ୍ରବୁ ନାଙ୍ଗେ ବାରେ ଲାଗେଏ କାମାଟି ଗେଲ୍ପାନେସି, ଅଡେ  
 ନାଙ୍ଗେ ଗେଲ୍ପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି  
 ଗାଞ୍ଜୁରମି କାଲାକାଲା ତାକି ଆପେ! ଆମେନ୍ □

**ରାନିବେଲାତି ଜହରା**

୧୯ ☆ପିସ୍ତାଲି ଅଡେ ଆକ୍ଠିଲି ଇଞ୍ଜା ଅନିସିପର ଇଲୁ କୁଟମିକି ନା  
 ଜହରା ଝେହ୍ମୁ □

୨୦ ☆ଏରାସ୍ତୁ କରନ୍ତି ଗାଡାତା ତୟା ମାନେସି, ସାମା ତ୍ରପିମ  
 ଆଡିହିଲାଆକି ନାନୁ ଏଞ୍ଜାଣାଲ୍ ମିଲିତତା ପିସା ଝାଡେସି □

୨୧ ନାନୁ ପେନିବେଲା ଝାଆ ନକେଏ ଝାଡିହୁଁ ନେହୁଁ ଆଡେମା  
 □ ଇୟୁବୁଲ, ପୁଦେନସ, ଲିନ, କ୍ଲାଞ୍ଜୁଦିୟା, ଅଡେ ବାରେ କ୍ରୀସ୍ତାନା  
 ତାୟିୟା ନିଙ୍ଗେ ଜହରା ଝେସିମାଞ୍ଜାନେରି □

୨୨ ପ୍ରବୁ ନୀ ଜୀଞ୍ଜୁତା ମାଣ୍ଡେସି, ମାହାପୁରୁଟି କାର୍ମାମେହନାୟି  
 ମୀ ବାରେତାକି ଆୟାପେ □

---

☆ ୪:୧୯ ୪:୧୯ କାମା ୧୮:୨; ୨ତମ ଭାଗ ୧:୧୭, ୧୭ ☆ ୪:୨୦ ୪:୨୦ କାମା ୧୯:୨୨; ରମି  
 ୧୭:୨୩; କାମା ୨୦:୪; ୨୧:୨୯

## ପୁସ୍ତକ ଖୋଲା

### **The New Testament the Kusaal language (Ghana)**

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

## ପୁସ୍ତକ ଖୋଲା,

କୁଞ୍ଜ ପୁସ୍ତକ ଖୋଲା, 2020

The New Testament in Kuvi Language

The Word for the World International

All rights reserved.

2025-05-08

---

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20